

喜迎二十大 诗词歌盛世

千秋岁·春意盎然

□ 石鹤彪

瑞云升起，
七彩驰千里。
好梦在，
芳华倚。
家国得愿景，
万象如知己。
思几许。
莺莺燕燕肩风雨。

古韵填一曲，
词句酌心底。
携日月，
开天地。
时光容易老，
凭借南山喜。
除大疫。
呼朋唤友游春去。

一七令·年

□ 马春国

年。
岁尽，
人圆。
千灯举，
万福翻。
春音初报，
家讯频传。
礼花游玉宇，
美酒醉珠帘。
故里老亲康寿，
天涯游子平安。
四海皆言无圣境，
九州孰料是桃源。

浣溪沙·白露

□ 刘小燕

玉露金风绮梦香，
中庭丹桂吐芬芳。
山街好月醉西窗。

酒冽蟹肥添雅兴，
枫红岭艳写诗行。
河清海晏奔康庄。

定风波·初春

□ 董玉红

袅袅婷婷荡绿绦，
轰轰烈烈孕新苞。
柳絮轻扬香飞袖，
静候，
鹅黄露雪过池桥。

雨燕寻音归故里，
春曲，
呢喃婉韵绕梁巢。
水岸春桃遮粉面，
欲绽，
娇羞初蕾竞妖娆。

七绝·夏日

□ 聂仁岩

蛙鼓蝉鸣上月台，
荷池蕊馥入诗怀。
闲愁别绪抛身后，
酿韵轻吟笑口开。

七律·贺《阜新诗词大典》出版

□ 岳庆九

骚坛擂鼓气轩昂，
恰值梅花涌暗香。
瞻墨吟怀凝大典，
今风古韵谱瑶章。
回眸辛苦千旋路，
长啸清音三日梁。
笔绽韶春持绮梦，
江山正待咏诗狂！

七律·贺《逸韵蒙古贞》出版

□ 洪曙光

耕耘阡苑蕴馨香，
雅律清词逸韵扬。
国粹传承添异彩，
风骚引领吐锋芒。
珠玑字字标心意，
文卷殷殷誉故乡。
喜贺群英凝硕果，
关情笔墨永流芳。

七律·春风十里

□ 顾鹏程

雁落河边柳色新，
波光扑面洗芳茵。
轻烟有意桃林重，
细雨无声杏蕊真。
绿水临风常绽翠，
青山含露自修身。
长亭送别千行泪，
莫负东君一路春。

五律·小雪

□ 张海山

静雅舒梅意，
寻常醉我心。
银沙封瓦背，
碎玉染罗襟。
谢女云飞絮，
孙康借远岑。
冬来多浅赋，
岁末总闲吟。

五律·题胡杨

□ 刘小茹

酷挂黄金甲，
英拦大漠沙。
同风读岁月，
共雨阅繁华。
瀚海千年树，
沧桑五彩霞。
孤烟不悔梦，
一念守天涯。

五律·水草玛瑙

□ 卜祥杰

造物神功巧，
飘摇水草奇。
芳魂出地火，
翠色映山溪。
雕入风云梦，
剥开岁月衣。
一朝惊问世，
熠熠蕴天机。